

bes hic 1. generalem interdictionem. 2. pœnam divinam, mortem æternam. Et quamvis non vocetur hæc concupiscentia totidem literarum apicibus & syllabis A-D-U-L-T-E-R-I-U-M, tamen quia æternâ morte Deus dignam judicat, & severissimè clarissimis verbis in Decalogo interdicit, quis dubitet etiam in Veteri Testamento Deum concupiscentiam, quâ quis internis motibus realiter alteram adulterari constituit, & omnimodò desiderat alteram comprimere, si modò succederet, non aliter habuisse, quâm si verè corde adulteratus fuisset, cùm & ipse Smalcianus in Veteri Testamento internum adulterium agnoscat, contr. Frantz. pag. 247. II. patet idem ex Deut. 6. v. 5. Diliges Dominum Deum tuum ex toto corde tuo, & ex tota anima tua, & ex tota fortitudine tua. Et Lev. 19. v. 18. Diliges proximum tuum Sicut te ipsum. Qui enim concupiscit animo adulterare alteram, & constituit id effetti reddere, si succederet, ille utique Deum non toto corde, anima, & viribus colit, & diligit, appetens aliquid, quod si fieret, Deum summè offendì sciret. Sic ergò suam libidinem magis amaret, quâm Deum, volendo aliquid, quod Deus omnino fieri nollet. Sic & contra proximi dilectionem gravissimè peccatur, desiderando ipsius prostituere pudicitiam, & ad spurcissimum adulterium adducere, sicque Deum ipsi offensum reddere, vel injuria ipsum gravissimâ afficere, quod an cum mandata charitate consistere queat, judicium cuivis cordato committimus. 3. Ex hoc fonte fluunt admonitiones Proverbiorum Salomonis, Ecclesiastæ, Jobi, Prophetarum, quos libros plura, vel præcepta, vel consilia moralia inferre & continere, quâm Decalogus habet & importat, alibi ex eo falsum deprehensum est, quia idem, quo ad dilectionem Dei & proximi in moralibus dicitur in lege & libris Propheticis. Ex Matth. 22. & 7. v. 12. Sic autem illi. Prov. 6. v. 20. Conserua, fili mi, PRÆCEPTA patris tui, & ne dimittas LEGEM matris tuæ. v. 21. Liga ea in corde tuo jugiter (si hæc eadem non fuissent mandata in Lege Decalogi, quamvis non quo ad πντὸν, tamen quo ad ἀγροῖς Solomon aliquid addidisset ad legem, contra expressum mandatum, Deut. 4. & 12.) & circumda gutturi tuo. v. 22. Cùm ambulaveris, gradiantur tecum: cùm dormieris, custodian te, & evigilans loquere cum eis. v. 23. quia MANDATUM lucerna est, & LEX Lux & viæ vitæ increpatio disciplina. v. 24. ut custodian te à malicie malâ, & à blanda lingua